

孟子集註

八

234
4
26

準貴

孟子卷之八

未幾全註

離騷章句下

卷三十三

孟子國策及公羊傳卷八



孟子卷之八

文王出於野則曰李朱熹集註

離婁章句下

凡三十三章

孟子曰舜生於諸馮遷於負夏



卒於鳴條東夷之人也

諸馮負夏鳴條皆地名在東

方夷服之地

文王生於岐周卒於畢郢西夷之人也

岐周岐山下周舊邑近畎夷

畢郢近豐鎬今有文王墓

地之相去也千有餘里世之相

後也千有餘歲得志行乎中國

若合符節

得志行乎中國謂舜爲天子  
文王爲方伯得行其道於天  
下也符節以玉爲之篆刻文  
字而中分之彼此各藏其半  
有故則左右相合以爲信也

若合符節言其同也

先聖後聖其揆一也

揆度也其揆一者言度之而

其道無不同也○范氏曰言

聖人之生雖有先後遠近之

不<sub>レ</sub>同然<sub>モ</sub>其<sub>レ</sub>道<sub>ハ</sub>則<sub>レ</sub>一<sub>ナ</sub>也

○子<sub>レ</sub>產<sub>ニ</sub>聽<sub>ニ</sub>鄭<sub>ノ</sub>國<sub>ノ</sub>之<sub>レ</sub>政<sub>ヲ</sub>以<sub>テ</sub>其<sub>レ</sub>乘<sub>ヲ</sub>與<sub>ス</sub>

濟<sub>ニ</sub>人<sub>ヲ</sub>於<sub>テ</sub>溱<sub>ニ</sub>洧<sub>ニ</sub>  
乘去聲溱音  
溱洧榮美反

子<sub>レ</sub>產<sub>ハ</sub>鄭<sub>ノ</sub>大<sub>ノ</sub>夫<sub>ノ</sub>公<sub>ノ</sub>孫<sub>ノ</sub>僑<sub>也</sub>溱<sub>洧</sub>

一<sub>ナ</sub>水<sub>ノ</sub>名<sub>也</sub>子<sub>レ</sub>產<sub>見<sub>テ</sub>人<sub>ノ</sub>有<sub>ラ</sub>徒<sub>中</sub>涉<sub>ル</sub></sub>

此<sub>レ</sub>水<sub>ノ</sub>者<sub>ヲ</sub>以<sub>テ</sub>其<sub>レ</sub>所<sub>レ</sub>乘<sub>之</sub>車<sub>ヲ</sub>載<sub>テ</sub>而

渡<sub>レ</sub>之

孟子<sub>ノ</sub>曰<sub>ク</sub>惠<sub>ヲ</sub>而<sub>レ</sub>不<sub>レ</sub>知<sub>ラ</sub>爲<sub>ス</sub>政<sub>ヲ</sub>

惠<sub>ハ</sub>謂<sub>ニ</sub>私<sub>ノ</sub>恩<sub>ノ</sub>小<sub>ノ</sub>利<sub>ヲ</sub>政<sub>ハ</sub>則<sub>レ</sub>有<sub>ニ</sub>公<sub>ノ</sub>平

正<sub>ノ</sub>大<sub>ノ</sub>之<sub>レ</sub>體<sub>ノ</sub>綱<sub>ノ</sub>紀<sub>ノ</sub>法<sub>ノ</sub>度<sub>ノ</sub>之<sub>レ</sub>施<sub>ニ</sub>焉

歲十一月徒杠成十二月輿梁

成民未病涉也杠音

杠方橋也徒杠可通徒行者

梁亦橋也輿梁可通車輿者

周十一月夏九月也周十二月

月夏十月也夏令曰十月成

梁蓋農功已畢可用民力又

時將寒涇水有橋梁則民不

患於徒涉亦王政之一事也

君子平其政行辟人可也焉得

人人而濟之

辟與闢同  
焉於反

辟辟除也如周禮闢人爲之

辟之辟言能平其政則出行

之際辟除行人使之避已亦

不爲過况國中之水當涉者

衆豈能悉以乘輿濟之哉

故爲政者每人而悅之日亦不

足矣

言每人皆欲致私恩以悅其

意則人多日少亦不足於用



矣諸葛武侯嘗言治世以大德不以小惠得孟子之意矣

○孟子告齊宣王曰君之視臣如手足則臣視君如腹心君之視臣如犬馬則臣視君如國人

君之視臣如土芥則臣視君如寇讎

孔氏曰宣王之遇臣下恩禮衰薄至於管者所進今日不知其亡則其於群臣可謂邈

然無敬矣故孟子告之以此  
手足腹心相待一體恩義之  
至也如犬馬則輕賤之然猶  
有豢養之恩焉國人猶言路  
人言無怨無德也土芥則踐

踏之而已矣斬艾之而已矣  
其賤惡之又甚矣寇讎之報  
不亦宜乎

王曰禮為舊君有服何如斯可

為服矣為去聲下  
為之同

儀禮曰以道去君而未絕者  
服齊衰三月王疑孟子之言  
太甚故以此禮爲問

曰諫行言聽膏澤下於民有故  
而去則君使人導之出疆又先

於其所往去三年不反然後收  
其田里此之謂三有禮焉如此  
則爲之服矣

導之出疆防剽掠也先於其  
所往稱道其賢欲其收用之

也三年而後收其田祿里居  
前此猶望其歸也

今也爲臣諫則不行言則不聽  
膏澤不下於民有故而去則君  
搏執之又極之於其所往去之

日遂收其田里此之謂寇讎寇  
讎何服之有

極窮也窮之於其所往之國  
如晉錮欒盈也○潘興嗣曰  
孟子告齊王之言猶孔子對

定公之意也而其言有迹不  
若孔子之渾然也蓋聖賢之  
別如此楊氏曰君臣以義合  
者也故孟子爲齊王深言報  
施之道使知爲君者不可不

以禮遇其臣耳若君子之自  
處則豈處其薄乎孟子曰王  
庶幾改之予且望之君子之  
言蓋如此

○孟子曰無罪而殺士則大夫

可以レ去ル無罪而戮ス民則士可以レ

徒ル

言ハ君子當ニ見レテ幾ヲ而作ス禍已ニ迫ス

則不能レ去ク矣

○孟子曰君仁莫不仁君義莫レ

不レ義ト云フ

張氏曰此章重テ出ツ然モ上ノ篇主ト

言ハ人ノ臣當ニ以レ正レ君ヲ爲急此章

直ニ戒レ人ノ君ヲ義亦小レ異耳

○孟子曰非禮之禮非義之義

大人弗爲

察理不精故有二者之蔽大人則隨事而順理因時而處宜豈爲是哉

○孟子曰中也養不中才也養

不才故人樂有賢父兄也如中也棄不中才也棄不才則賢不肖之相去其間不能以寸

無過不及之謂中足以有爲

之謂才養謂涵育薰陶俟其

自化也。賢謂中而才者也。樂  
有賢父兄者，樂其終能成也。  
也。爲父兄者，若以子弟之不  
賢，遂遽絕之，而不能教，則吾  
亦過中而不才矣。其相去之

間能幾何哉。

○孟子曰：人有不爲也，而後可  
以有爲。

○程子曰：有不爲，知所擇也。惟  
能有不爲，是以可以有爲。無



所不爲者安能有所爲耶

○孟子曰言人之不善當如後

患何

此亦有爲而言

○孟子曰仲尼不爲已甚者

已猶太也楊氏曰言聖人所

爲本分之外不加毫末非孟

子真知孔子不能以是稱之

○孟子曰大人者言不必信行

不必果惟義所在行去

必猶期也。大人言行不先期。於信果，但義之所在，則必從之。卒亦未嘗不信果也。○尹氏曰：主於義，則信果在其中矣。主於信果，則未必合義。王

勉曰：若不合於義，而不信不果，則矣。人爾。

○孟子曰：大人者，不失其赤子之心者也。

大人之心，通達萬變，赤子之

心則純一一無偽而已然大人  
之所以爲大人正以其不爲  
物誘而有以全其純一一無偽  
之本然是是以擴而充之則無  
所不知無所不能而極其大

也

○孟子曰養生者不足以當大

事惟送死可以當大事養去聲

事生固當愛敬然亦人道之

常耳至於送死則人道之大

變孝子之事親舍是無以用  
其力矣故尤以爲大事而必  
誠必信不使少<sub>キ</sub>有<sub>ラ</sub>後日之悔  
也

○孟子曰君子深造之以道欲

其自得之也自得之則居之安  
居之安則資之深資之深則取  
之左右逢其原故君子欲其自  
得之也

造七  
到反

造詣也深造之者進而不已

之意道，則其進爲之方也。資，  
猶藉也。左右身之兩旁言，至  
近而非一處也。逢，猶值也。原，  
本也。水之來處也。言君子務  
於深造，而必以其道者，欲其

有所持，循以俟。夫默識心通，  
自然而得之於己也。自得於  
己，則所以處之者，安固而不  
搖處之安固，則所藉者，深遠  
而無盡。所藉者，深則日用之

間取之至近無所往而不值  
其所資之本也○程子曰學  
不言而自得者乃自得也有  
安排布置者皆非自得也然  
必潛心積慮優游厭飲於其

間然後可以自得若急迫求  
之則是私已而已終不足以  
得之也

○孟子曰博學而詳說之將以  
反說約也

言所以博學於文而詳說其  
理者非欲以誇多而闕靡也  
欲其融會貫通有以反而說  
到至約之地耳蓋承上章之  
意而言學非欲其徒博而亦

不可以徑約也

○孟子曰以善服人者未有能  
服人者也以善養人然後能服  
天下天下不心服而王者未之

有也王去聲

服人者欲以取勝於人養人者欲其同歸於善蓋心之公私少異而人之嚮背頓殊學者於此不可以不審也

○孟子曰言無實不祥不祥之

實蔽賢者當之

或曰天下之言無有實不祥者惟蔽賢為不祥之實或曰言而無實者不祥故蔽賢為不祥之實二說不同未知孰



是疑或有闕文焉

○徐子曰仲尼亟稱於水曰水

哉水哉何取於水也亟去吏反

亟數也水哉水哉歎美之辭

孟子曰原泉混混不舍晝夜盈

科而後進放乎四海有本者如

是是之取爾舍放皆上聲

原泉有原之水也混混湧出

之貌不舍晝夜言常出不竭

也盈滿也科坎也言其進以

漸也放至也言水有原本不

已而漸進以至于海如人

實行則亦不已而漸進以

于極也

苟為無本七八月之間雨集溝

澮皆盈其涸也可立而待也故

聲聞過情君子恥之

聞去

聲

集聚也澮田間水道也涸乾

也如人無實行而暴得虛譽

不能長久也聲聞名譽也情實也恥者恥其無實而將不繼也林氏曰徐子之爲人必有躡等于譽之病故孟子以是答之○鄒氏曰孔子之稱

承其旨微矣孟子獨取此者自徐子之所急者言之也孔子嘗以聞達告子張矣達者有本之謂也聞則無本之謂也然則學者其可以不務本

乎

○孟子曰人之所以異於禽獸

者幾希庶民去之君子存之

幾希少也庶衆也人物之生

同得天地之理以爲性同得

天地之氣以爲形其不同者

獨人於其間得形氣之正而

能有以全其性爲少異耳雖

曰少異然人物之所以分實

在於此衆人不知此而去之

則名、雖爲人而實、無以異於  
禽獸、君子知此而存之、是以  
戰兢惕厲而卒、能有以全其  
所、受之正也。

**辨明於庶物、察於人倫、由仁義**

**行、非行仁義也。**

物、事物也、明、則有以識其理  
也、人、倫、說、見前篇、察、則有以  
盡其理之詳也、物、理、固、非度  
外、而、人、倫、尤、切於身故、其、知

之<sup>ラ</sup>有<sup>リ</sup>詳<sup>シ</sup>略<sup>シ</sup>之<sup>ノ</sup>異<sup>ニ</sup>在<sup>テ</sup>舜<sup>ニ</sup>則<sup>チ</sup>皆<sup>シ</sup>生<sup>ル</sup>  
而<sup>シテ</sup>知<sup>レ</sup>之<sup>ヲ</sup>也<sup>ニ</sup>由<sup>テ</sup>仁<sup>ニ</sup>義<sup>ニ</sup>行<sup>フ</sup>非<sup>ト</sup>行<sup>ハ</sup>仁<sup>ニ</sup>  
義<sup>ニ</sup>則<sup>チ</sup>仁<sup>ニ</sup>義<sup>ニ</sup>已<sup>ニ</sup>根<sup>ニ</sup>於<sup>テ</sup>心<sup>ニ</sup>而<sup>シテ</sup>所<sup>レ</sup>行<sup>ハ</sup>  
皆<sup>シ</sup>從<sup>リ</sup>此<sup>ニ</sup>出<sup>ツ</sup>非<sup>ニ</sup>以<sup>テ</sup>仁<sup>ニ</sup>義<sup>ニ</sup>爲<sup>ス</sup>美<sup>ト</sup>而<sup>シテ</sup>  
後<sup>ニ</sup>勉<sup>メ</sup>強<sup>ク</sup>行<sup>フ</sup>之<sup>ヲ</sup>所<sup>レ</sup>謂<sup>フ</sup>安<sup>ク</sup>而<sup>シテ</sup>行<sup>フ</sup>之<sup>ヲ</sup>

也<sup>ニ</sup>此<sup>レ</sup>則<sup>チ</sup>聖<sup>人</sup>之<sup>ノ</sup>事<sup>不</sup>待<sup>テ</sup>存<sup>レ</sup>之<sup>ヲ</sup>  
而<sup>シテ</sup>無<sup>ク</sup>不<sup>レ</sup>存<sup>セ</sup>矣<sup>ニ</sup>○尹<sup>氏</sup>曰<sup>ク</sup>存<sup>スル</sup>之<sup>ヲ</sup>  
者<sup>ハ</sup>君<sup>子</sup>也<sup>ニ</sup>存<sup>スル</sup>者<sup>ハ</sup>聖<sup>人</sup>也<sup>ニ</sup>君<sup>子</sup>  
所<sup>レ</sup>存<sup>スル</sup>存<sup>ス</sup>天<sup>ノ</sup>理<sup>ヲ</sup>也<sup>ニ</sup>由<sup>テ</sup>仁<sup>ニ</sup>義<sup>ニ</sup>行<sup>フ</sup>存<sup>スル</sup>  
者<sup>ハ</sup>能<sup>ク</sup>之<sup>ヲ</sup>

○孟子曰禹惡旨酒而好善言

惡好皆

去聲

戰國策曰儀狄作酒禹飲而

甘之曰後世必有以酒卜其

國者遂䟽儀狄而絕旨酒書

曰禹拜昌言

湯執中立賢無方

執謂守而不失中者無過不

及之名方猶類也立賢無方

惟賢則立之於位不問其類

也

文王視民如傷望道而未之見

而讀為如

古字通用

民已安矣而視之猶若レ有レ傷道已至矣而望之猶若レ未レ見

聖人之愛民深而求道切ナリ如

此不自滿足終日乾乾之心

也

武王不泄邇不忘遠

泄狎也邇者人所易狎而不



泄遠者人所易忘而不忘德  
之盛仁之至也

周公思兼三主以施四事其有  
不合者仰而思之夜以繼日幸  
而得之坐以待旦

三一王禹也湯也文武也四一事  
上四一條之事也時異勢殊故  
其事或有所不合思而得之  
則其理初不異矣坐以待旦  
急於行也○此承上章言舜

因<sub>テ</sub>歷<sub>ニ</sub>叙<sub>メ</sub>羣<sub>ニ</sub>聖<sub>ヲ</sub>以<sub>テ</sub>繼<sub>ク</sub>之<sub>而</sub>各舉<sub>ニ</sub>  
其<sub>ノ</sub>一<sub>ノ</sub>事<sub>ヲ</sub>以<sub>テ</sub>見<sub>ニ</sub>其<sub>ノ</sub>憂<sub>ノ</sub>勤<sub>ノ</sub>惕<sub>ノ</sub>厲<sub>ノ</sub>之<sub>意</sub>蓋<sub>シ</sub>天<sub>ノ</sub>理<sub>ノ</sub>之<sub>所</sub>以<sub>テ</sub>常<sub>ニ</sub>存<sub>スル</sub>而人<sub>ノ</sub>  
心<sub>ノ</sub>之<sub>所</sub>以<sub>テ</sub>不<sub>レ</sub>死<sub>也</sub>○程子曰  
孟子所<sub>レ</sub>稱<sub>スル</sub>各因<sub>ニ</sub>其<sub>ノ</sub>一<sub>ノ</sub>事<sub>ニ</sub>而言

非<sub>レ</sub>謂<sub>フ</sub>武王<sub>ハ</sub>不<sub>レ</sub>能<sub>ニ</sub>執<sub>レ</sub>中<sub>ヲ</sub>立<sub>シ</sub>賢<sub>ヲ</sub>湯<sub>ハ</sub>  
却<sub>テ</sub>泄<sub>レ</sub>邇<sub>ヲ</sub>忘<sub>ト</sub>遠<sub>キ</sub>也人謂<sub>ハ</sub>各<sub>ノ</sub>舉<sub>ト</sub>其<sub>ノ</sub>  
盛<sub>ヲ</sub>亦非<sub>ヤ</sub>也聖<sub>ノ</sub>人亦無<sub>レ</sub>不<sub>レ</sub>盛<sub>スル</sub>

○孟子曰王者之迹熄而詩亡  
詩亡然後春秋作

王者之迹熄，謂平王東遷而  
政教號令不及於天下也。詩  
曰：黍離降為國風，而雅曰  
也。春秋魯史記之名，孔子因  
而筆削之，始於魯隱公之元

年實平王之四十九年也

晉之乘，楚之檮杌，魯之春秋一

也。乘去聲，檮音

逃，杌音兀

乘，義未詳。趙氏以為興於田

賦，乘馬之事，或曰取記載當

時、行、事、而、名、之、也。禱、一、杙、惡、獸、  
名、古、者、因、以、爲、凶、人、之、號、取、  
記、惡、垂、戒、之、義、也。春、秋、者、記、  
事、者、必、表、年、以、首、事、年、有、四、  
時、故、錯、舉、以、爲、所、記、之、名、也。

古、者、列、國、皆、有、史、官、掌、記、時、  
事、此、二、者、皆、其、所、記、冊、書、之、  
名、也。

其、事、則、齊、桓、晉、文、其、文、則、史、孔、  
子、曰、其、義、則、丘、竊、取、之、矣。

春秋之時五霸迭興而桓文  
爲盛史官也竊取者譏辭  
也公羊傳作其辭則丘有罪  
焉爾意亦如此蓋言斷之在  
已所謂筆則筆削則削游夏

不能贊一辭者也尹氏曰言  
孔子作春秋亦以史之文載  
當時之事也而其義則定天  
下之邪正爲百王之太法○  
此又承上章歷叙羣聖因以

孔子之事，繼之，而孔子之事

莫大於春秋，故特言之。

○孟子曰：君子之澤，五世而斬；

小人之澤，五世而斬。

澤猶言流風餘韻也。父子相

繼，為一世，三十二年亦為一世。

斬，絕也。大約君子小人之澤，

五世而絕也。楊氏曰：四世而

總服之窮也。五世祖免，殺同

姓也。六世親屬竭矣。服窮則

遺澤寢微故五世而斬

予未得爲孔子徒也予私淑諸人也

私猶竊也淑善也李氏以爲方言是也人謂子思之徒也

自孔子卒至孟子遊梁時方百四十餘年而孟子已老然則孟子之生去孔子未百年也故孟子言予雖未得親受業於孔子之門然聖人之澤

尚存猶有能傳其學者故我  
得聞孔子之道於人而私竊  
以善其身蓋推尊孔子而自  
謙之辭也 ○此又承上三章  
歷叙舜禹至於周孔而以是

終之其詞雖謙然其所以自  
任之重亦有不得而辭者矣

○孟子曰可以取可以無取取  
傷廉可以與可以無與與傷惠  
可以死可以無死死傷勇



先言可以者略見而自許之  
辭也後言可以無者深察而  
自疑之辭也過取固害於  
然過與亦反害其惠過死亦  
反害其勇蓋過猶不及之意

也林氏曰公西華受五秉之  
粟是傷庶也冉子與之是傷  
惠也子路之死於衛是傷勇  
也

○逢蒙學射於羿盡羿之道思

天下惟羿為愈已於是殺羿孟  
子曰是亦羿有罪焉公明儀曰  
宜若無罪焉曰薄乎云爾惡得  
無罪逢薄江反  
惡平聲  
羿有窮后羿也逢蒙羿之家

衆也羿善射篡夏自立後為  
家衆所殺愈猶勝也薄言其  
罪差薄耳

鄭人使子濯孺子侵衛衛使  
公之斯追之子濯孺子曰今日

我疾作，不可以執弓。吾死矣夫。  
問其僕曰：追我者誰也？其僕曰：  
庖公之斯也。曰：吾生矣。其僕曰：  
庖公之斯，衛之善射者也。夫子  
曰：吾生，何謂也？曰：庖公之斯學

射於尹公之他，尹公之他學射  
於我夫。尹公之他，端人也。其取  
友必端矣。庖公之斯至，曰：夫子  
何爲不執弓？曰：今日我疾作，不  
可以執弓。曰：小人學射於尹公

之他尹公之他學射於夫子我  
不忍以夫子之道反害夫子雖  
然今日之事君事也我不敢廢  
抽矢扣輪去其金發乘矢而後  
反他徒河反矣夫夫尹之夫  
並音扶去上聲乘去聲

之語助也僕御也尹公他亦  
衛人也端正也孺子以尹公  
正一人知其取友必正故度度  
公必不害已小人度公自稱  
也金鏃也扣輪出鏃令不害

入乃以射也乘矢四矢也孟子言使羿如子濯孺子得尹公他而教之則必無逢蒙之禍然夷羿篡弑之賊蒙乃逆傳庾斯雖全私恩亦廢公義

其事皆無足論者孟子蓋特以取友而言耳

○孟子曰西子蒙不潔則人皆掩鼻而過之

西子美婦人蒙猶鼻也不潔

汗穢之物也掩鼻惡其臭也

雖有惡人齊戒沐浴則可以祀

上帝齊側 皆反

惡人醜貌者也○尹氏曰此

章戒人之喪善而勉人以自

新也

○孟子曰天下之言性也則故

而已矣故者以利爲本

性者人物所得以生之理也

故者其已然之跡若所謂天

下之故者<sub>リ</sub>也利猶順也語其  
自然之勢<sub>ラ</sub>也言事物之理雖  
若無形而難知然其發見之  
已<sub>ニ</sub>然則必有迹而易見故天  
下之言性者但言其故而理

自明猶所謂善言天者必有  
驗於人也然其所謂故者又  
必本其自然之勢如人之善  
水之下非有所矯揉造作而  
然者也若人之爲惡水之在

山則非自然之故矣

所惡於智者為其鑿也如智者  
若禹之行水也則無惡於智矣  
禹之行水也行其所無事也如  
智者亦行其所無事則智亦大

矣惡為並  
去聲

天下之理本皆利順小智之  
人務為穿鑿所以失之禹之  
行水則因其自然之勢而導  
之未嘗以私智穿鑿而有所



事是以水得其潤下之性而不爲害也

天之高也星辰之遠也苟求其故千歲之日至可坐而致也

天雖高星辰雖遠然求其已

然之跡則其運有常雖千歲之夕其日至之度可坐而得况於事物之近若因其故而求之豈有不得其理者而何以穿鑿爲哉必言日至者造

曆者以<sub>レ</sub>上<sub>一</sub>古十一月甲子朔  
夜<sub>一</sub>半冬至<sub>一</sub>爲<sub>レ</sub>曆元也○程子  
曰此章專<sub>ラ</sub>爲<sub>レ</sub>智而發<sub>レ</sub>愚謂事  
物之理莫<sub>レ</sub>非自然順<sub>テ</sub>而循<sub>レ</sub>之  
則爲<sub>レ</sub>大智若用<sub>レ</sub>小智而鑿<sub>テ</sub>以<sub>レ</sub>

自<sub>一</sub>私<sub>一</sub>則害<sub>ニ</sub>於性<sub>一</sub>而反<sub>ラ</sub>爲<sub>レ</sub>不智  
程子之言可<sub>レ</sub>謂深<sub>ク</sub>得<sub>レ</sub>此章之  
旨<sub>一</sub>矣

○公行子有<sub>レ</sub>子之喪右師往<sub>テ</sub>用<sub>レ</sub>  
入門有<sub>レ</sub>進而與<sub>レ</sub>右師言者有<sub>レ</sub>就<sub>レ</sub>

右師之位而與右師言者

○公行子齊大夫右師王驩也

孟子不與右師言右師不悅曰

諸君子皆與驩言孟子獨不與

驩言是簡驩也

簡略也

孟子聞之曰禮朝廷不歷位而

相與言不踰階而相揖也我欲

行禮于教以我為簡不亦異乎

朝音

朝

孟子

四七

是時齊卿大夫以君命弔各  
有位次若周禮凡有爵者之  
喪禮則職喪泣其禁令序其  
事故云朝廷也歷更涉也位  
他人之位也右師未就位而

進與之言則右師歷已之位  
矣右師已就位而就與之言  
則已歷右師之位矣孟子右  
師之位又不同階孟子不敢  
失此禮故不與右師言也

○孟子曰君子所以異於人者  
以其存心也君子以仁存心以  
禮存心

以仁禮存心言以是存於心  
而不怠也

仁者愛人有禮者敬人

此仁禮之施

愛人者人恒愛之敬人者人恒

敬之  
恒胡  
登反

此仁禮之驗

有人於此其待我以橫逆則君子必自反也我必不仁也必無禮也此物奚宜至哉橫去聲下同

橫逆謂強暴不順理也物事

也

其自反而仁矣自反而有禮矣其橫逆由是也君子必自反也我必不忠由與猶同下

忠者盡已之謂我必不忠恐

所以愛敬人者有所不盡其

心也

自反而忠矣其橫逆曲是也君

子曰此亦妄人也已矣如此則

與禽獸奚擇哉於禽獸又何難

焉難去聲

聲

奚擇何異也又何難焉言不  
足與之校也

是故君子有終身之憂無一朝

之患也乃若所憂則有之舜人

也我亦人也舜為法於天下可

傳於後世我由未克爲鄉人也  
是則可憂也憂之如何如舜而  
已矣若夫君子所患則亡矣非  
仁無爲也非禮無行也如有一  
朝之患則君子不患矣

夫音扶

鄉人鄉里之常人也君子存

心不苟故無後憂

○禹稷當平世三過其門而不  
入孔子賢之

事見前篇



顏子當亂世居於陋巷一簞食

一瓢飲人不堪其憂顏子不改

其樂孔子賢之 食音嗣 樂音洛

孟子曰禹稷顏回同道

聖賢之道進則救民退則脩

也其心一而已矣

禹思天下有溺者由已溺之也

稷思天下有飢者由已飢之也

是以如是其急也 由與 猶同

禹稷身任其職故以爲己責

而救之之急也

禹稷顏子易地則皆然

聖賢之心無所偏倚隨感而  
應各盡其道故使禹稷居顏  
子之地則亦能樂顏子之樂

使顏子居禹稷之任亦能憂  
禹稷之憂也

今有同室之人鬪者救之雖被  
髮纓冠而救之可也

不暇束髮而結纓往救言急

也以喻禹稷

鄉鄰有鬪者被髮纓冠而往救之則惑也雖閉戶可也

喻顏子也○此章言聖賢心

無不同事則所遭或異然處

之各當其理是乃所以為同

也尹氏曰當其可之謂時前

聖後聖其心一也故所遇皆

盡善

○公都子曰匡章通國皆稱不

孝焉夫子與之遊又從而禮貌  
之敢問何也

匡章齊人通國盡一國之人  
也禮貌敬之也

孟子曰世俗所謂不孝者五情

其四支不顧父母之養一不孝  
也博奕好飲酒不顧父母之養  
二不孝也好貨財私妻子不顧  
父母之養三不孝也從耳目之  
欲以爲父母戮四不孝也好勇

鬪狠以危父母五不孝也章子

有一於是乎

好養從皆去  
聲狠胡懇反

戮羞辱也狠忿戾也

夫章子子父責善而不相遇也

夫音

扶

遇合也相責以善而不相合

故為父所逐也

責善朋友之道也父子責善賊

恩之大者

賊害也朋友當相責以善父

子行<sub>レ</sub>之<sub>ラ</sub>則害<sub>ス</sub>天<sub>ノ</sub>性<sub>ノ</sub>之恩<sub>ラ</sub>也

夫章子豈不<sub>レ</sub>欲<sub>セ</sub>有<sub>ル</sub>夫<sub>ノ</sub>妻子母<sub>ノ</sub>之  
屬哉<sub>ヤ</sub>爲<sub>レ</sub>得罪<sub>ラ</sub>於<sub>レ</sub>父<sub>ニ</sub>不<sub>レ</sub>得<sub>ル</sub>近<sub>ク</sub>出<sub>ル</sub>妻<sub>ヲ</sub>  
屏<sub>レ</sub>子<sub>ヲ</sub>終<sub>ル</sub>身<sub>ヲ</sub>不<sub>レ</sub>養<sub>ハ</sub>焉<sub>ヤ</sub>其設<sub>ル</sub>心<sub>ヲ</sub>以<sub>テ</sub>爲<sub>ス</sub>  
不<sub>レ</sub>若<sub>ク</sub>是<sub>レ</sub>是<sub>レ</sub>則<sub>レ</sub>罪<sub>ノ</sub>之<sub>レ</sub>大<sub>キ</sub>者<sub>ハ</sub>是<sub>レ</sub>則<sub>レ</sub>章

子已矣

夫章之夫音扶爲去聲屏必井反養去聲

言<sub>ハ</sub>章子非<sub>レ</sub>不<sub>レ</sub>欲<sub>セ</sub>身<sub>ヲ</sub>有<sub>ル</sub>夫<sub>ノ</sub>妻<sub>ノ</sub>之

配<sub>レ</sub>子<sub>ヲ</sub>有<sub>ル</sub>子<sub>ノ</sub>母<sub>ノ</sub>之<sub>レ</sub>屬<sub>ニ</sub>但<sub>シテ</sub>爲<sub>ス</sub>身<sub>ヲ</sub>不<sub>レ</sub>

得<sub>ル</sub>近<sub>ク</sub>於<sub>レ</sub>父<sub>ニ</sub>故<sub>ニ</sub>不<sub>レ</sub>敢<sub>テ</sub>受<sub>ケ</sub>妻<sub>ノ</sub>子<sub>ノ</sub>之

養<sub>ヲ</sub>以<sub>テ</sub>自<sub>ラ</sub>責<sub>シ</sub>罰<sub>ス</sub>其<sub>ノ</sub>心<sub>ヲ</sub>以<sub>テ</sub>爲<sub>ス</sub>不<sub>レ</sub>如<sub>ク</sub>

此則其罪益大也。○此章之旨於衆所惡而必察焉。可見聖賢至仁之心矣。楊氏曰：章子之行，孟子非取之也。特哀其志而不與之絕耳。

○曾子居武城，有越寇。或曰：寇至，盍去。諸曰：無寓人於我室，毀傷其薪木。寇退，則曰：修我牆屋，我將反寇。退，曾子反。左右曰：待先生如此，其忠且敬也。寇至，則

先去以爲民望寇退則反殆於  
不可沈猶行曰是非汝所知也  
昔沈猶有負芻之禍從先生者  
七十人未有與焉與去聲

武成魯邑名盍何不也左右

曾子之門人也忠敬言武城

之大夫事曾子忠誠恭敬也

爲民望言使民望而效之沈

猶行弟子姓名也言曾子嘗

舍於沈猶氏時有負芻者作



亂來攻沉猶氏曾子率其弟

子去之不與其難言師賓不

與臣同

子思居於衛有齊寇或曰寇至

盍去諸子思曰如彼去君誰與

守

言所以不<sub>レ</sub>去之意如<sub>レ</sub>此

孟子曰曾子子思同道曾子師

也父兄也子思臣也微也曾子

子思易地則皆然

微猶賤也尹氏曰或遠害或  
死難其事不同者所處之地  
不同也君子之心不繫於利  
害惟其是而已故易地則皆  
能爲之○孔氏曰古之聖賢

言行不同事業亦異而其道  
未始不同也學者知此則因  
所遇而應之若權衡之稱物  
低昂屢變而不害其爲同也

○儲子曰王使人問夫子果有

以異於人乎。孟子曰：何以異於

人哉？堯舜與人同耳。

瞽古 堯反

儲子：齊人也。間竊視也。聖人

亦人耳。豈有異於人哉。

○齊人有一妻一妾而處室者

其良人出則必饜酒肉而後反

其妻問所與飲食者則盡富貴

也。其妻告其妾曰：良人出則必

饜酒肉而後反，問其與飲食者

盡富貴也，而未嘗有顯者來吾

將闕良人之所之也蚤起施從  
良人之所之徧國中無與立談  
者卒之東郭墦間之祭者乞其  
餘不足又顧而之他此其爲饜  
足之道也其妻歸告其妾曰良

人者所仰望而終身也今若此  
與其妾訕其良人而相泣於中  
庭而良人未之知也施施從外  
來驕其妻妾

施音迤又音異墦音燔施施如字

章首當有孟子曰字闕文也

良人夫也饜飽也顯者富貴  
人也施邪施而行不使良人  
知也播冢也顧望也訕怨詈  
也施施喜悅自得之貌

由君子觀之則人之所以求富

貴利達者其妻妾不羞也而不

相泣者幾希矣

孟子言自君子而觀今之求

富貴者皆若此人耳使其妻

妾見之不羞而泣者少矣言

可<sub>レ</sub>羞<sub>ツ</sub>之甚<sub>ナリ</sub>也。○趙氏曰言<sub>ハ</sub>今<sub>ノ</sub>  
之求<sub>レ</sub>富貴者皆以<sub>テ</sub>枉<sub>レ</sub>曲<sub>ノ</sub>之道<sub>ヲ</sub>  
昏<sub>レ</sub>夜<sub>ニ</sub>乞<sub>レ</sub>哀<sub>ヲ</sub>以<sub>テ</sub>求<sub>レ</sub>之<sub>ヲ</sub>而<sub>ソ</sub>以<sub>テ</sub>驕<sub>ル</sub>人<sub>ニ</sub>  
於<sub>レ</sub>白<sub>ニ</sub>日<sub>ニ</sub>與<sub>ス</sub>斯<sub>ノ</sub>人<sub>ニ</sub>何<sub>ヲ</sub>以<sub>テ</sub>異<sub>ス</sub>哉

孟子卷之八終

